

¿Nolatan ez da bada izango
Mundu ontako zeruba

Birtute guzi guzietara

Badago ornenatuba?

Uzta-illaren ogei ta batak

Daukalarik goibelduba

Eta guztiz turmoituba,
Ekaitzez inguratuba:

Bañan zerutik zalako jechi

Erri eder au mundura

Mundu ontako zerutik juango

Da zuzen zuzen zerura.

RAMOS AZKARATE-KOAK.

1902

Euskal-itz jostaldien Batzarrea

(Euskal-festen XXI-garren urtea)

ARANZAZUKO AMA BIRJIÑARI



Aipamen onragarriya Oñati-n irabazitako moldaera

Bizi bedi fedia.

Aranzazuko Ama
Maria Birjiña,
zeruko aingerucho
danen erregiña,
Zu goitutzen egingo
det nik alegiña,
naiz ez izan Zuretzat
nere luma diña.

Zori oneko Ama
Birjiña laztana
zeruko lorateyan
zera ederrena,
izar dizdizariya
argiz argiyena,
mancharikangabia
garbiz garbiyena.

Zure izenarekin
danak dira umiltzen
aingeruak begira
ez dira aspertzen,
Zure edertasunak
ditu arritutzen
ala beti aidira
gloriya kantatzen.

Gau illunian izar
eder bat bezela
gure naigabietan
izarra Zu zera,
atsegiña bigaltzen
dezu biyotzera,
¡o! Birjiña chit santa
¿Zu gabe zer gera?

Artzai Rodrigochori
arantza gañian
azaldu izan ziñan
chit zori onian,
¡Zeruko erregiña
aur baten aurrian
aren inozentziya
zer maite zenduan!

Oñate inguruan
au baizan gertatu,
zure semechoakiñ
ziñana agertu
euskal-erri maitia
zenduben onratu
etapaketasuna
guziyan banatu.

Eliza eder bat dago
geroztik egiña
onratzeko Maria
Ama guztiz fiña,
jendia bildutzenda
ezin esan diña
zergatikan zeraden
danen sendakiña.

¿Zeiñ ezta geroztikan
eliza ortan sartu
eta zer mirariyak
ez dira gertatu?
Birjiñari diyonak
biyotzez eskatu
berialasen dizka
malkuak legortu.

Aranzazu, Aranzazu
itzik eztiyena,
euskaldunak biyotzez
maite zaitubena,
gure erreguetan
zu zera aurrena,
bedeinkatua izan
bedi zure izena.

Nola euskal-erriya
dagon oso eri
begiratu bat eman
zaiozu berari,
zerutikan laguntza
zazu Zuk bigali
sendoturik geyago
ezteyen erori.

ROSARIO ARTOLA.

